

Կամ գնում էին խուստուփ սարը և նրա քարայրի միջից ջուր բերում՝ ցանում արտերի վրա: Եռւն էին անում Արծվանիկում, գնալով Վարդավառից Խաչը³⁰ և այնտեղից ջուր էին բերում: Խաչը մի շօրէֆղոնի եկեղեցի է, կազմված է երկու, իրար հետ կապված, շենքերից: Մի դռնից մտնում էին, շորորորով դուրս գալիս, ամեն մի եկեղեցում շամէր՝ մոմեր վառելով: Առաջին եկեղեցին մտնում էին շոքեշոք, շամ վառելուց հետո ոտքի կանգնում, անցնում էին մյուս եկեղեցին. այնտեղ էլ շամ վառելուց հետո դուրս էին գալիս, ետ-ետ քաշվելով, մեջքով: Չօրէֆղոնի մոտ կա մի աղբյուր, որը տեղացիների ասելով երաշտի ժամանակ չի պակասում և անձրևների ժամանակ էլ չի ավելանում: Դա սուրբ աղբյուր է: Ավանդությունն ասում է, որ մի վարդապետ, տեսնելով, որ վանքի մոտ ջուր չկա, կրծքով հենվել է իր գավազանին, գավազանի ծայրը գետնի մեջ է խրվել ու այդ ծակով ջուր է ցայտել գավազանի հաստությամբ, որը տարին տասներկու ամիս մնում է նույնը: Այդ ջուրը մարդուն պահում էր ամեն հիվանդությունից, իսկ արտերը պահպանում էր մկներից, մորեխից կամ կարմիր ծանգից:

Գալիս է բերքը հավաքելու ժամանակը: Քաղի ժամանակ վուշի ցողուններն արմատով դուրս էին քաշում հողից և մի երկու շաբաթ արևի տակ թողնում չորանալու: Այս աշխատանքն ավելի կանանց վրա էր բնկնում: Բերքը ոչ թե տեղափոխում էին գյուղը՝ խույս տալով ճանապարհին սերմերը թափվելուց, այլ հենց դաշտում կանայք փոում էին փալասներն և նրանց վրա թափում էին ցողունները:

Յորենն ու գարին, ինչպես և խոտը, հնձում էին բացառապես մանգաղով: Գերանդին համեմատաբար նորամուտ էր: Մերունիներից շատերն այժմ էլ չեն կարողանում գերանդին հնձի ժամանակ գործածել և գերադասում են մանգաղը, այն էլ նրա երկար, բարակ և ատամնավոր, թեթև տեսակը, որը կոչվում է շիւն³¹:

Հնձի ժամանակ հասկերի սուր-սուր ասեղներից պաշտպանվելու համար մի թևքին և վարտիքի աղբյուրին կաշու կտորներ են վրա կարում, իսկ կուրծքը պաշտպանում են կաշվե գոգնոցով՝ բռնակապով³²: Մատները վնասումներից ազատ պահելու համար նրանց վրա հագնում են տանձենու փայտից մատնոցներ՝ մընաճուցը, այն է—ձկութին՝ ծրկնաճուցը, անանունին՝ միջնաճուցը, միջին մատին՝ յէճնաճուցը, ցուցամատին՝ կրնպօնը, որը շինվում էր մեծ մասամբ պարկից՝ կաշուց:

Հենց արմատից հնձող բանվորը վարձատրվում էր ավելի, որովհետև հարկադրված էր լինում ավելի կռանալու: Մյուս կողմից դրանով խնայվում էր և ծղոտը³³:

Հնձին այժմ կոլխոզներում կանայք մասնակցում են տղամարդկանց հետ հավասարապես: Մինչև հեղափոխությունն էլ կանացի ուժը գործադրվել է այս

³⁰ Խաչը անվանվել է այդպես:

³¹ Կեն գործիքները՝ մանգաղը, շիւնը, ցակատը հավանական է առաջ են եկել ուղիղ բերան ունեցող դանակից, որը փոխվել է նաև դաշույնի և սրի:

³² Երբեմն բավականանում են միայն բռնակապով, որը ծածկում է և ծնկները: Նա հաճախ միացվում է և կաշվե թևերի հետ:

³³ Դեռ բոլորովին չհասած ցորենի հասկերից՝ ճեղից անցորդին թույլ էր տրվում քաղել և աղաճն անել՝ բուլել, իսկ հասած հասկերը կրակի վրա բուլել կամ որևէ ձևով այրել արգելվում էր, անշուշտ այդ գործողությամբ բերքի բաժանվածքը կտրելու երկյուղից: